

بورایه عکس ایتش اولدینی جھتله خلقدہ اعظام ایدیلہ چک بر خوف وتلاش نامشہود ایدیندہ دشمنک قواعد مذنیہ وحریبہ یه پکده رغایتکار اولماشی، خصوصیلہ کچن ۱۱ شباط بومباردمانک خاطرہ جیعه سی موجب اندیشہ اولیوردی . معافیہ حکومت، فرقه عسکریه کیجہ دن تدابیر احتیاطیہ اتخاذ ایتش اولدیندن کیملرک کورونسیله برابر عساکر و پولیسلردن مرکب دوریه لر اسواق ومحلاتی کز مکده، خلقی نظمینه وآسایشی جدأ محافظہ یه حصر غایت ایتکده ایدیلر . آسایش وانتظام شهر بوصورت حدیه ایلہ تحت تأمینہ آلتش بولنق حسیله خلق آسوده بر قلب ایلہ لیانه ومواقع مرتفعہ یه قوشمش، متجسسانه دشمنک حرکاتنه وقف انظار ایتش ایدی .

دشمن فیلوسی بروجہ بالا بوردان نظامندہ لندکدن صکرہ استمبوطلرینی، بعض صندالارینی دکرہ ایندیرمش، یکدیگریله بر مخاربه نمای کاری به باشلامش ایدی . بو مخاربه اثناسنده طوب و مترالیوز ایلہ مجهز اولی استمبوطی برر چاریک، یارم ساعت فاصله ایلہ «نهر بروت» جھتہ سوق ایتش ایدی که بوندن مقصدی قارانتنه خذالرنده لشکرانداز اولان اوچ دیرکلی بوش بر «بارقو» یی تفتیش وضبطدن عبارت اولدینی بر مدت صکرہ ایکی استمبوطه باغلی اولهرق آبلوقه خطی دانلنه کتیرلکله اکلاشیلمش ایدی . بونکله برابر بوتفتیش وتحرری کیفیتی یالکیز مذکور «بارقو» یه حصر ایدیلمش ایدی، اقشام اوستی اسکندریه طریقله کان «لوئید» قومانیہ سنک «آمفیریت» اسمندہ کی واپورینک توقفی ایچون آمیرال کیسندن اشارت فلامه لریا ویریلان امری مهمسه میهرک یولنه دوام ایتدیکنی کورن دشمن بوش بر طوب انداختیلہ طور دیردی وایکی ساعت دوام ایدن اوزون ومدقق بر تفتیشدن صکرہ لیانه کیرمسنه مساعدہ ایتدیکنی کی او صرده استانبولدن کلن روس باندیرالی پوسته واپورینی ده اشارت ایلہ طور دیرهرق ایکی چاریک قدر بر معاینه دن صکرہ سربست بر اقدی .

بوتفتیشاتک اجرایی اثناسنده ایدی که ویس آمیرال کیسندن آیریلان و مترالیوز ایلہ مجهز بولنوب اوکده بیاض بر فلامه و آرقه ده ایتالیا باندیراسی طالعہ لانا ایکی استمبوطک لیانه طوغری المروملکده اولدقلری کورولدی .

ریختیم اهالی ایلہ لیسالب اولدینی جھتله بر وقعہ نک حدودی متفکرینی اندیشناک ایدیوردی . ذاتا دشمنک مقصدی بر حادثه نک تکونه سیبیت ویردیرمک اولدینی کیلرده کی فعالیتدن، حرکات بی پرواسندن اکلاشیلوردی . برکت ویرسون که عثمانیلرک متانت الاقیه سی علامت تسلیم ودخالت - بیلیم تعبیر طوغری می ؟ - اولان بیاض فلامه یی حاوی دشمنک اوکوچک مفرزه تفتیشیه سنی تعرضدن مصون بر اقدیردی . کمال حزم ولاقیدی ای هرکس سیرایدیور، بر نظر استهزا بیلہ فرلاتما یوردی .

استمبوطلر لیانه داخل اولدقلری وقت مرتباتک چهره لرنده رونما اولان آثار خوف وجبات آجینه حق بر حالده ایدی، سیمالرنده قان نامنه بر شی کورونمیور، قورقودن الاری آیاقلری تیره یورایدی، دشمنک بونمایشدن ده مرای ریختمه باغلی بر انکیز ایشینی معاینه ده عبارت ایدی، معاینه سرعتله، تلاشله اجرا اولندی .

زوالی ساعت آلتی راده لرنده ایدی که یوقاروده بیان ایتدکم «بارقو» یی یدکده آلان بر حرب سفینه سی بوردان نظامندن آیریلارق روایتہ کوره ردوسه کتورمش .

وقتا که کیجہ اولدی، دکرک سطح را کدندہ، قزک انوار شععه داری آلتندہ برر هیولای سیاه کی یاتان زرهیلر بتون ایشیققلرینی سوندورمش، ساکت، نائم بر حالده صباخی بولدیلر .

صبح زوالی ساعت یدیده قونترآم ال کیسندن کشیده ایدیلن بر اشارتی متعاقب کیلرده غایت بطی و «رأس بروت» ه طوغری بر حرکت کورولدی . بواشاده اشارت مختلفه تعاطی اولیور، باجلرندن کشف دومانلر چیقیور، مرتبات وظیفه باشنده کورولیوردی - بویاک مانورده ده ناظم وظیفه سنی ویس آمیرال کیسی ایفا ایدیوردی - مؤخرأ قونتر آمیرال سفینه سندن ویریلان بر اشارت اوزرینه «طورپیور» متوسط بر مشی ایلہ ینه بوردان

تعمیرانه :	۸۰۰۰
قانچلاریا مصارفی و بعض شیلر طبی ایچون :	۲۱,۲۲۷
مفر و نشات و تعمیری، نباتات بغچه سی	
وقولکسیونلر ایچون :	۲۱,۳۵۳
کتبخانه و ادوات تدریسیه :	۳۶,۶۷۶
طلبه و معلملر فنی سیاحتلر ایچون :	۱۰,۵۸۸
خدمتچیلرہ یکدنسی البسه :	۲,۸۱۰
مصارفات سائرہ :	۳,۰۶۰

یوقاریده سویلہ یکمزی پروفیسورلرک معاشات سنویہ سی (۲۵۰,۲۵۲) فرانقدر، فقط بالطبع بونلرک ایچنده اجنبی پروفیسورلری ده وار، معافیہ اجنبی پروفیسورلرہ ؛ بلغارستان حکومتی ایلہ اولان قونترآتولرینی فسخ وابطال ومذکور پروفیسورلرک دارالفنونی ترک ایتقلری ایچون ۶۸,۸۳۰ فرانق ویرلشدیر . دیمک اولیور که اجنبی معلملرہ احتیاجلری قالماشدر . صوفیه دارالفنوننده طب فاکولته سی یوقدر، بلغارلر طبابتی اوروپاده تحصیل ایتھی ترجیح ایدیورلر . احتمالکه بویله دها اوجوز کلیور .

احمد حمدی

بروت مخار مخصوصه

«هلال کده بردونماسی اولسه بدی ...»

آگستوسک اون بشی، صباح زوالی ساعت آلتی ایدی . سوریه خریطه سنده بر موقع لطیف طبیعی مالک اولان جبل لبنانک شواہق رایجہ دارندن بوسه چین لطافت اولهرق دریای سفیدک برکنارمینا کارنده طلعتنمای معموریت اولان «بروت» شهر شهرینه ایصال فیض حیات ایدن نسیم دلنواز او محیط شعر انکیزی نازان نازان یلپازہ لیوردی .

سما، دکر مستقنا بر لون کبود نظر فریب ایلہ یکدیگری قوجاقلامش بر افق دورادوردن شعاعات زرتاریسی ایشار ایدن خورشید عالم آرا یاواش، یاواش افق مرئی یه تقرب ایتکده بولنمش ایدی .

هر طرف بر سکونت نشاط خیز سحری ایچنده غنوده ..

بردنبره «رأس» بروت جھتندن نمایان اولان کشیف، قسوت رسادومانلر بواسطت شععه داری بولاندیردی . متعاقباً طبقات هواشیہ نفوذ ایدهرک ترفع ایتدیکه قویو سیاه رنگندن رفته رفته آجیق کول لونه منقلب اولان وعاقبت جوء عدمه اولاشان بودومانک زیر کشافتندہ، دکرک سطح نیلفام ساکتندہ آهسته رفتار اولهرق لیانه طوغری ایلرولین وقلب عدونک سیاهی فطریسنه مشابه بر بویا ایلہ بویامش بولنان برر سیار قلعه مهیبه حربیه کوروندی .

بری برینی پرووا خطنده تعقیب ایدن بوموحش، مدھش سفائن حربیه نک سرلرنده گویا که علامت فارقه سی اولدینی قومک یأس واضطرابی طرابلس غرب مجاهدیندن یدیکی ضربات مدھشہ نک القایتدیکنی خوف ودهشتی خزیانه اعلان ایدن باندیرالری عثمانیلرک جلادت ومہابتنه سرفرو اولمش بی حرکت قیوریم قیوریم بر وضعیت متألمانه ایلہ، برلسان حال مأیوسانه ایلہ اظهارکدر وماتم ایدیوردی .

برر پوشیده سیاه ماتم ایلہ اورتومش کی سراپا قره قلر ایچنده قلمش سفائن مذکورہ بوردان نظامنده لیانی آبلوقه ایتشلر ایدی . مرتباتی حربیه مہیا بر وضعیتہ طوب باشلرنده وقلقه لردہ مہیای نروج بولنان وبری برویس آمیرالک، دیکری برقونتر آمیرالک تحت قومانداسنده بحر سفیدمنری بی محابا طولاشان، حاکم سواحلمز اولان ایکی فرقه دن و آلتی قطعہ دن عبارت بودشمن فیلوسی برکون اول «حیفا»، «یافا» لیانلرینه اوغرایهرق بر آلمان تجمار واپوریلہ یلکن سفائی تفتیش ایتدیکنی حوادثی رسمی وخصوصی صورتده

طرابلسہ مجاہدین اسلامیک اموالی . — صحنہ حربدن «العلم» ک مخبری یازیور : یکری کون اول « غاریان » دن عزیزیه کدم . مقصدم کچن آیدہ پک آز وقوعات اولدینی ایچون عزیزیه ده آر، طنطوده ، فسدقده بوغشیرده بولنان مجاہدینک احوالی کورمکدی . له الحمد جله سنی آرزو ایدلکی کی کوردم . عددلری کافی اولدینی کی مسرتلری ده یرنده در . دشمنلر حرب ایچون یکی بر اصول اتخا ایتدیلر وحالده اونی محافظه ایدیورلر . ٹولولر کی استحکامات داخلندہ - بعض مجاہدلرک حربہ دعوتلرینی ایما ایدر حرکات متعددہ لرینہ رغماً - التزام سکون وراحتدر . مجاہدلرک ایتالیانلرہ قارشى تجاوزی برحرکتده بولنمق ایچون جسارتلری کوندن کونہ تراید ایدیور . حتی بوکونلرده استحکاماتک داخلنہ کیروب اورادہ کی حیوانلری اوکارینہ سورمک صورتیلہ آلمغہ قدر واردیلر .

کندی کوزملہ کوردم : اوتوز مجاہد اوکارندہ ایتالیانلردن آلدقلى درت اینک ، طقوز قیونی اوزرلرنده ایتالیان البسہ سی ، ارنده ایتالیان فنارلری اولدینی حالده استحکاماتدن دونوب اردوگاهہ کیدیورلردی .

بوکون سیدی عبدالجلیلده خفیف برمصادمہ وقوع بولارق دشمنک انزای وفیلونک حمایہ سی آلتنہ التجاسی ایله نتیجہ لندی .

ایکی کون اول غاریانہ مهمات حربیہ یی حامل برچوق دوه واصل اولدی . بودوه لر اسلحه وجبخانه وسائرہ یی حامل اولدینی حالده فیزاندن دارالحربہ کلن برقاق بیک دوه ک برقافله دن مفرزدر .

ایتالیانلرک مجاہدینہ توزیع ایتکده اولدقلى دوزمه اوراق مطبوعہ نک احتوا ایدلکی ذل ومسکنت عبارتہ لری ، دشمنک صوک درجہ مزایقہ ده اولدینی وقوہ معنویہ سندن برائر قالمادینی استدلال اولنیور . بو اوراق مجاہدینک شوق ونشاطی آرتدبرمقده ووطن معززلرینہ محبت وارتباطلرینی تقویہ ایلکده در .

بخا

امیرک سیاحتی مقصدہ مصرظرلر . — ام حضرتلری جنوبی بخارادہ اجرا ایتکده اولدینی سیاحتندن عودت ایتشد . امیرک بوسیاحتہ برمعنای سیاسی ویرلمکده در . ترکستان چینہ ده واقع اولان اغتاشاشادن طولای روسلر کرک چین ، کرک افغان حدودینہ عسکر تحشید ایدیورلر . جنوبی بخارادہ روس عساکری آز کورولدیکندن اشبو سوقیاتندن اورا اھالیسک ہیجان وغلایانہ کلجکی دوشونلش وامیر حضرتلرینک سیاحتہ بونقطة نظر دن لزوم کورلشدر ، دیہ بر فکر واردر .

رشوتلر برکت اولاز . — روس حکومتی ایله بخارا امارتی بینندہ واقع اولان معاهدہ وجہلہ روس میرآبلری (اروا واسقا مأمورلری) ہر سہ معین برمدت طرفندہ بخارا اراضیسنی دہ اروا اسقایہ عہداً مجبوردرلر . فقط تقرر ایتش برتعامل اوزرہ روس میرآبلری کلیتی بر رشوت آلینجہ بخارا مزارعتہ صو ویرمزلر . بوسنہ رشوتک ثادیہ سندن برآز تأخیر وقوعبولدیغندن بخارا پاموق زراعتی کلیتی خساراتہ اوغرامشدر .

بخارادہ معارفیورلر انک صمینی . — دورت بش آیدنبری (یکی بخارا) ده نشر ایدلکده اولان فارسى العبارة (بخارای شریف) غرتہ سی اخیراً سرمایہ سزلک یوزندن طولای محکوم تعطیل ایکن بخارا معارفیورانی طرفندن تشکیل اولونان برشرکتک حمیتی سایہ سندن تکرار نشریائنه باشلامشدر . غرتہ نک ہر نومرو سندن استانبول مخابر مخصوصی طرفندن مفصل مکتوبلر نشر ایدیور .

کرید :

کرید فرسز و ہایبری . — شہر حالک اون بشندہ برقاق سلاحی

نظامندہ طوران دیگر کمیلرک وسطنندن کچہرک برنقطة صرکزیہ تشکیل ایتدی . بعدہ ویس آمیرال کیسیلہ دیگرلری بونک اطرافندہ برقوس چیزدکدن ومذکور آمیرال کیسی خفیف برسیر ایله ایلرولدکدن صکرہ « طورییور » عینی سرعتلہ حرکت ایدہرک ناظم یعنی پیشدار اولدی . دیگر درت زرهلی دخی بوردا خطندہ آرقہ ستہ دوشدی . فیلو بوترتیب اوزرہ وسیر متوسط ایله افقہ تقرب ایتدکچہ جملری کوچولیورہ دومانلری سطح سہادہ خفیف بلوطلر حصولہ کتہ ییوردی کہ آرقہ لرندن نکران اولان کوزلرہ ، اومحبتلی قبلرندہ اوقونان معنای بلیغ ومؤثر :

« آہ ! بزده ده بردونما اولسہ ایدی ، دشمن دکزلرمزده بودرجہ حاکم اولماز ، عزت نفسمز بویله منکسر قالماددی » دن عبارت ایدی . بیروت مخابر مخصوصکن

خیر لدین

شیرین

عثمانی ایتالا محاربہ سی :

اسلام مجاہدلرینک صوک سوزی . — ۱۴ ایلول ۱۹۱۲ تاریخیلہ دھیاتدن مقامات عالیہ یہ کشیدہ ایدیلن تلغرافنامہ در : « حقوق وطنیہ وشاہانہ عثمانیہ مزہ ذرہ قدر خلل ویرہ جک - غرتہ لرده او قودینمز - صالح مذاکراتی ومداونہ افکار سیاسیہ یی بتون موجودیتزلہ رد ایدرز . دشمنک برتک شرطنی قبول ایتجہ جکر ، غالبیت ومظفریت متوالیہ نک بزده اولدینہ عمومک قناعتی موجود وغیر منکردر . جبین دشمن غربت وطنیہ مز سایہ سندنہ بعض دکز کنارلرنده دونماسنک حمایہ سی التندہ حالاً محصور ومقبوردر . وطنک سلامتی ، عثمانلیق نام مبدلک محافظہ سی اوغورندہ برملیونی متجاوز اسلام طرابلس غربیلی بتون وجود ومساعیمزی ایداً محاربہ یہ وقف ایتدک . نک نفرہ وارنجیہ قدرتمید محاربہ یہ عد وميثاق ایلدک . اہ عشقنہ ، وطن محبتی نامنہ بزى براقیکز . دشمنک بتون مساعیمزہ رغماً حقوق موروثہ عثمانیہ وحقوق وطنیہ مزى ، هیچ برخلل ایراث ایتدیرمیدرک ، تمامہا محافظہ بیورکز . محاربہ ایله مشغول اولدینمز جہتلہ اورایہ قدر کلکلکمزہ واوغراشامزہ امکان یوقدر . تاریخ عثمانینک صفوتی خدانکرده لکدار ایدہ جک حالک وقوعنہ میدان ویرمیکز . معاهدات دولیہ وقوانین مدنیہ خلافنہ بغیر حق تعرض ایدیلن ولایتلرک قورتارلسنہ وظالم دشمنمزلک طردینہ جہاندہ کی عموم اسلام وعثمانیلرک وحقوق معدلتی سون دول اجندیہ نک بیلہ بذل مجود ایلجہ جکلری درکاردر . برعزم متین ایله تقدیم قلنان بو استرحام وطنیورانہ مزلک قبول واجرا بیوریلہ جغنی امید وتبشیرکزہ صبر سزلقلہ تضرع ایلر ونیجہ حسنہ یی بکارز فرمان .

فساطو قضا سندن : عبداہ بارونی ، احمد عربی ، یوسف جریس ، عمر ، احمد عربی ، عمر بن سلیم ، عمر الحادمی ، احمد عزالدین ، مصطفی شاکر ، سعید بن عزت ، محمد عیاض مسعود افندی ، احمد بن محمد ، سید برقوس ، محمد بن سعید ، سلیمان سویعہ ، علی شریف ، علی الکدانی ، سالم بن قاسم ، ابوبشیر ، یحیی البارونی ، احمد البارونی ، احمد المکسی ، ابراہیم ابوالعباس ، مسعود عابدان ، سیفان محمد ، مصطفی صافی ، محمد السعوی ، احمد الیان ، محمد عایدان ، محمد یونس ، سلیمان سعید ، عبداہ صالح ، علی آبازہ ، آبازہ سیفان ، علی محمد ، علی صفر ، شعبان انہادی ، یونس یلفول ، عربی احمد ، عملیش علی ، خلیل ، شیخ احمد ، درویش سلیمان ، کامی سعید ، عمر بن علی ، علی احمد ، فاضل عمر ، تاجر علی ، شفقہ ، عبداہ ، ابوشدرہ خلیفہ »